

L'alivu Culomba

À purtà tanti morti
L'alivu s'hè annudatu
Tortu più chè i turmenti
Pare bellu invichjatu
L'acellu à vulà
Trà mezu à tante palle
Purtendu a speranza
S'hè troncu torna l'ale

A culomba hè ferita
D'ogni stridu di dolore
Di zitelli d'una terra
Ch'ùn sà più cume girà
A culomba hè cascata
Vultemula, cumpà
L'alivu s'hè salvaticu
Ci tocca à insità.

Sò state e millaie
À fracà si per l'ultima
À barattà bugie
Per una pace sicura
Ma in ogni giuventù
Ci hè un scemu ch'affacca
Una spezia di banditu
D'onore mal'piazzatu.

L'agnellu erimane
Hè diventatu lupu
Da populi nucenti
Si face l'assassinu
Ma ci hè sempre daretu
Chì carica lu fucile
Un omu dettu grande
Chì si piglia per Diu.